

Date – 12/12/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Chief Minister Pu Lalduhoman nizan khan Champhai Chhangphut Field Stadium tih enna Flood Light a hawng .
2. MZP chuan Aizawl Municipal Corporation (AMC) hnuai hna lakah mimal induhsakna uchuak a awm nia hriat a nih thu sawiin a rang thei ang bera sut turin an ngen.
3. Prime Minister Narendra Modi an India chu Digital khawvel ah nasa takin a thang mek a ti.

<><><>

CM

Chief Minister Pu Lalduhoman nizan khan Champhai Chhangphut Field Stadium tih enna Flood Light a hawng a, Aizawl District pawna a hmasa ber a ni a, Sports Minister Pu Lalnginglova Hmar chuan a țawiawm a ni.

He hunah hian thusawiin Chief Minister chuan Champhai khua leh District tana thil chhinchhiahtlak tak, zan lama inkhelh theihna hawn a ni ta a ti a. Mizoram sawrkar chuan infiamna kawnga hmasawna thlen a duh a, he tih rual hian ram sum leh pai dinhmun hre chungin thil pawimawh dang - inkalpawhna kawngpui tha, zirna țha leh a zirna in țha, hriselna lama inenkawlna țha zawk te, Police thuam chakte leh kuthnathawktute chawi kan te nen hmasawna inbuk tawkalpui a tum a ni, a ti.

Pu Lalduhoma chuan sawrkarna an chan hnua project lian tham an kalpui hmasak ber te zinga mi ‘Chhangphut Field Flood Light’ kum khat chhunga hawn theih a ni chu lawmawm a tih thu a sawi a. Mizoram sawrkar chuan ‘Ban a kaih’ hnuai hna infiammi theihna nei țha te zawng chhuak turin cheng vaibelchhe 2.5 a ruahman tih sawiin, kum thar ațangin hmalak țan tum a ni, a ti a. Chief Minister hian “Sports-ah kal tum dan neiin, tinzawn neiin an kal zel dawn a, infiamna hmunhma siamte ngaihthah chuang loin, chu'ng hmunhma infiam tur infiammite chu ngaih pawimawh zawka nei chungin kal zel an tum, a ti bawk.

Chief Minister hian Khankawn Police Check Gate ațanga Champhai khawpui panna kawngpui chu SASCI V hnuai hna cheng vaibelchhe 6.6 senga laih zauh tum mek a ni tih a tarlang a, kumthar lamah hna țan theih a beisei thu a sawi. Champhai khawpui leh a chhehvel khua te chawm thei turin Vapar khaw chungah tuikhuah siam tum a nih thu Chief Minister hian a tarlang bawka. A hmunhma pawh khualzinte hip thei tura cheibawl a, sangha dil lian te siam a, seaplane te pawh an țum theihna turin ruahmanna siam a ni, a ti a. A concept paper pawh NBCC (India) Ltd, New Delhi te hnenah thawn thlak a ni tawh tih a sawi.

Champhai Chhangphut Field tihenna hi Special Assistance to State for Capital Investment (2023-2024) Scheme hnuai sum cheng nuai 457 senga siam

a ni a, He hna thawk tur hian RS Construction and Consultancy, Tanhril, Aizawl chu thlan a ni.



POWER MINISTER

Power & Electricity Minister Pu F. Rodinglana'n PM-Surya Ghar Muft Bijli Yojana (PM-SGMBY) hnuai h mipuite tan mahni inchunga Solar bun theihna tur duan thar a ni a ti a, hei hi eng chhit man mipuiin an chawi tlem zawk na tura duan ani tih a sawi.

He thu hi nimina a pisa-a Thuthar thehdarhtute a kawmna ah sawiin Pu F. Rodinglana chuan chenna inchunga nizung chakna hmanga kawlpheha siamchhuahna Rooftop Solar System atan Sawrkar laipuiin tanpuina pe in a lo kalpui tawh thin a ti a, he scheme in a tum ber chu mimal In vaibelchhe khat hnenah Sawrkar laipui atanga tanpuina hmangin Rooftop Solar System pek ani tih sawiin mipuiten eng chhit man a tam thei ang ber chawi lova an awm theih nana duan ani a ti a, kawlpheha sawrkar in hmundang atanga a lei tih tlemna tur leh mitinte intodelh zawka an awm theih nana ruahman ani tih a sawi.

Pu F. Rodinglana chuan Mizoram sawrkar ina a thawhpui Vendor 12 lai an awm tih sawiin heng Vendor te hian Rooftop Solar chu an chhawp sak thei dawn a ti a, National Bank hrang hrang ten he scheme hnuai h Solar bunna tur atan consumer te loan an pe thei a ti a, Mizoram mipuite account an neihna tlanglawn ber SBI leh MRB ah pawh loan an pe thei a ti a, Solar bunna tur hian AMC area chhunga cheng tan cheng sing 1 sang 2 ani dawn a, AMC area atanga kilometre 200-a hlaa cheng tan cheng sing 1 sang 8 ani a ti a, Tun dinhmunah mi 2990 inziaklut an awm tawh tih sawiin dilna 557 pawm a ni tawh a ti bawk.

He scheme hnuai h Rooftop Solar Kilowatt 10 thleng bun duh consumer chuan State portal pmsuryaghar.mizoram.gov.in a inzia h luh hnuah National Portal pmsuryaghar.gov.in ah inzia h luh leh tur a ni a, Online hmanga a tul ang tihfel hnuai h consumer ten Solar bun tura sawrkarin a pawm Vendor atangin mahni ina bun tur thlan tur a ni a, Vendor atana thlan te hian kum 5 chhung an enkawl thei dawn a, tun dinhmunah Mizoram sawrkar pawmpui Vendor 12 an awm mek a ni.



P&E MINISTER – PRE PAID METER

Power & Electricity Minister Pu F. Rodinglana'n Mizoram pumah prepaid meter hman ani tawh dawn a ti a, a hniam berah cheng 100 atanga top up theih ani dawn a ti.

Nimina a pisa-a thuthar thehdarhtute a kawmna ah he thu hi sawiin Pu F. Rodinglana chuan hun rei tak atanga hmalakna awm tawh Prepaid

metering chu a takin an hmang thei tawh dawn a ti a, hei hian pawisa chawi chu a tam phah dawn chuanglo a, dik taka mipuiten an eng chhit man an pek theihna tura ruahman ani tih sawiin top up hmanga mahni duh zata recharge mai theih tura siam ani a ti a, top up hman tura thla bituk zatah hman zawh nilo se a thla leh atan an top up chu a rin tlang theih dawn tih a sawi.

Minister chuan mipui huapzo thei ang berin ngaihtuahna an seng a ti a, a hniam bera recharge na atan cheng 100 an ruahman tih sawiin a man hrang hrang a awm dawn a ti a, dik zawka eng chhit man mipuiten an chawi a beisei tih a sawi.

Pu F. Rodinglana chuan Consumer hrang hrang Metre nuai 2 sing 8 sang 9 zathum sawmriat pathum tuam chhuah an tum tih sawiin DT metre 2300 an vuah dawn a ti a, feeder metre 398 vuah an tum tih sawiin Mizoram pumpuiah Metre nuai 2 sing 9 sang 2081 vuah an tum a ni a, hemi hmang hian metre pakhat atanga lut leh chhuak a lang vek tawh dawn tih sawiin Eng chhit tur pawh ruk a awm thei tawh dawnlo a ti a, metre man pawh tlemin a pung dawn tih sawiin mipuite tana phurrit awmlo turin sawrkarin ngaihtuahna an seng tih a sawi bawk.

Minister chuan smart metre an vuah dawn avangin eng chhit man chu an ti to dawnlo a ti a, sawrkar laipui atanga dan an siam smart metre man zulzuiin an kal ve mai dawn tih sawiin RDSS hnuaiiah Aizawl khawpui chhunga cable thlak vek tura ruahman ani a ti a, hmun thuma thena hmun khat vel zawh ani tawh tih sawiin Bawngkawn atanga Kulikawng inkarah Smart City kaltlangin Ban liana thlak vek tum ani a ti a, khawpuia hrui hnawk zualpui a tih ziaawm theih a beisei a ti bawk.

<><><>

MZP

MZP General Headquarters Extended OB Meeting chuan tun hnaia Aizawl Municipal Corporation (AMC) hnuaiia hna lakah thil felhlel, mimal induhsakna uchuak a awm nia hriat a nih thu sawiin a rang thei ang bera sut turin AMC hotute an ngen.

AMC Executive Council Meeting chuan kumin September ni 11 khan hna hrang hrang, Fixed Pay leh Contract Basis a lak nise tih an rel a. An thurel ang hian hna hrang hrangte hi advertisement tel lovin, an mi duhsak zawng an la an ti a. MZP chuan thalai lehkha thiam hna zawng mek tam tak awm karah, duhsak zawngte hnaa thun thawm hriat tur awm fo chu pawh an tiin an dodal tih an tarlang.

AMC Executive Council Meeting chuan Public Relations Officer-1, Project Assistant-2 leh Asst. Account Officer-1 te hi fixed pay a lak turin a rel a, heng hna te hi thawk tur lak fel tawh a ni a. Heng bakah hian Consultant

Geologist-5, Urban Animal Husbandry & Veterinary Officer-1 leh Junior Engineer-1 te Contract basis a lak tura tih a ni bawk.

MZP chuan March ni 12 khan AMC hnuaiia Geologist-3 leh Urban Animal Husbandry & Veterinary Officer, Junior Engineer leh Asst Account Officer pakhat theuh lak danah dan kalha thiltih a awm ngeia an hriat avangin MZP ngenna angin AMC Executive Council Meeting march ni 15 a thukhawm chuan, AMC hnuaiia hnalak hrang hrangte hi a sut a. March, ni 18 khan sutna lehkha hi tihchhuah niin hna sut tawhte hi tun hnaiah tharthawh leh in, a mi ngai thenkhatte thun nawn leh an ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.



PRIME MINISTER

Prime Minister Narendra Modi an India chu Digital khawvel ah nasa tak a a than mek thu sawiin cybercrime pawh nasa tak a a pun chhoh thu a sawi.

Smart India Hackathon 2024 video conference neihna a thalai te nen an inkawm na ah thusawiin Prime Minister chuan India chu khawvel huap pawh a digital ah hmahruaitu a nih thu sawiin kum zabi 21na a India hmathlir an nei vek chu tha a tih thu a sawi a, rawtna an neih te chu India hmalam hun a tan a pawimawh thu leh mi maktaduai chuang nun a thlak danglam theih thu a sawi bawk.

Pu modi chuan India chu hmahruaitu a nih zel theih thu leh thalai naupang zawk thil thar siam leh ngaihdan tha tak tak nei te nen a inkawmna hun an nei thei chu a hlawkthlak thu leh thil tam tak a hriat belh thu a sawi bawk. Ram tana an thawh hlawk zia sawiin thil thar siam thin tu thalai te chuan beiseina thar a pek thin thu a sawi a ni. Smart India Hackathon a team tel hmasa ten rawtna tha tak tak an neih te chu tun ah chuan ministry hrang nhrang in an hman tawh thu a sawi a, ram pum ah hmasawna a thlen zel a ni a ti. Naupang tin te chu mibik an nih thu leh an hmahun zel ah an theihna te pholanna hun tha pek an mamawh thu sawiin naupang te chu angkhat vek a en a tumah hlamchhiah bik an nih loh thu a sawi bawk. Pu Modi chuan ram pum ah drones chu tangkai tak ahman a nih thu sawiin Namo drone didi scheme hmang in hmun hla tak tak ah damdawi leh bngrua pawimawh tak tak thawhchhuah anih thu a sawi

